

and before I have Leisure to write again, I may possibly be prevented by a better Hand, which, I hope, may put an End to a Dispute that has too long pester'd the Learned World.

But, in this, I shall be guided by your Judgment; and shall therefore, at present, take up no more of your Time, than only to profess myself,

Dear SIR,

*Your most affectionate Friend,
and most obedient Servant,*

Apr. 10. 1744.

James Jurin.

XI. D. Alberti Haller *Concil. Aul. & Archi-
atri Regis Britann. & Electoris Brunsvic.
Prof. Anat. & Bot. Gottingensis, S. R.
Ang. & Suec. Soc. Observatio de Ovarii
Steatomate, & de Pilis ibidem inventis.*

Read April 12. 1744. **N**ON rarissimas esse hujusmodi hi-
storias non ignoro; & minus raras
esse video quam e re esset generis humani, neque
tamen vulgares esse, vel haec ipsae transactiones phi-
losophicæ docent, in quarum fastos duo exempla
inseruerunt D. Samson & Tyson.

Ancilla fuit, post longum morbum consumpta,
triginta fere annorum, cuius cadaver in theatrum
nostrum illatum est die 24° Januarii, anno 1743.

Cum

Cum corpus aperirem, continuo magnum in pelvi tumorem vidi, qui spem fecit graviditatis; sed frustra ea spes fuit; uterum enim inquirens suo loco reperi, tumores vero duos, modica convalle distinctos, in summa pelvi utero adjacentes.

Huic tumoris adnatam reperi dextram tubam, ut pene media pars membranæ tubam efficientis in tunicam morbosum corporis innata & immersa esset. Tuba cæca fuit. Huic porro tumor, deinde utero, duabus laciniis omentum adhæsit, ex *Hippocratis* antiquissima observatione. Sacci etiam morbosum tunicae passim hydatides adhærebant. Nihil in sinistro latere præter naturam se habuit.

Dimensiones omitto, quas icon exprimit. Tumorem, quem esse ovarium facile videbam, incidi; involucri crassitiem reperi pene lineæ. Saccus erat undique cavus, septo quodam in duos loculos divisus. In minori sacculo materies melli similis erat; sed adipis tamen etiam similis, in qua magna vis pilorum humanis simillimorum, fuscorum, crisporum, pene biuncem longorum, temere hærebat. Meliceridis antiquorum certum exemplum nactus, flammæ admovi mellcam massam; ignem ea continuo recepit, & adipis more deflagavit.

In majori loculo alterius generis purulenta materies fuit lactis similis; cui innatarent frusta quæ pulmonis, fusca & friabilia.

Non arduum videtur definitu, ova duo, aut vesiculos duas, morbose in hac femina intumuisse, & paulatim totam ovarii capacitatem sibi usurpasse, deletis reliquis quæ minime resisterent vesiculis. Id difficilius videtur, qua ratione in ovario nata sit tanta vis adipis, ad unciam forte, si placuisset eximere omnem.

omnem. Nam in fano Ovario, ne mica veræ pinguedinis adparet. Constat adeo, ubicunque cellulosa tela est, eo aliquando pinguedinem deponi posse, et si minime vulgo soleat. Ita in scroto, in pene, adipem vidi; & novi repertum fuisse, in tenera illa cellulosa fabrica, quæ choroidem oculi interest, & scleroticam.

Deinde quaeri potest, quomodo pili nasci potuerint, absque ulla vel cute, vel membrana, in qua radicati fuerint? Non ignoro etiam alibi pilos, et si cutem perforent, in pinguedine tamen veras radices habere, quod in scroto & pube valde manifestum est. Sed id difficilius videtur, quomodo in loco ab epidermide remoto, involucrum tamen simillimum & corneum, & pellucens, in his morbosis pilis ortum sit? & annon inde labefactetur vulgaris sententia, crustam pilorum a cuticula esse; & demonstretur, corticem verum pili ab ipso cortice bulbilli continuari? Nam hos pilos foetus destructi reliquias fuisse non videtur: et si minime ignorem in aliis, Tysonique imprimis casu fuisse: ibi enim cum pilis dentes etiam in ovario fuerunt. In nostra enim femina nihil quidquam de solidioribus corporis partibus, superstes factum esse, pilosque, adeo evidenter moliores, folos vim eam effugisse, quæ ossa dentesque destruxerat, id quidem non sit probabile.

Figurarum Explicatio.

TAB. III. Fig. I.

A, Arteria Aorta super pelvem.

B, Vena cava.

C, Psoas sinist.

K

D, Omentum

- D*, Omentum.
- E*, Ejus adhæsio ad uterum.
- F*, Altera adhæsio ad ovarium morbosum.
- G*, Uterus.
- H*, Intestinum rectum.
- I*, Tuba sinistra.
- K*, Ovarium sinistrum obiter indicatum.
- L*, Tuba dextra.
- M*, Ejus laciniæ.
- N*, Ligamentum ovarii dextri.
- O P*, Ovarium morbosum.
- O*, Saccus major inferior.
- P*, Saccus minor.
- Q Q*, Hydatides externæ superficie adnatæ.

Fig. II.

- A*, Saccus est morbosus seorsim pictus.
- A*, Loculus major apertus.
- B*, Crassities morbosæ membranæ ovarii.
- C*, Materiei purulentæ pars aliqua superstes, postquam major pars effluxerat.
- D*, Loculus minor, in quo mellea pinguedo et pili.
- E*, Septum loculos separans.
- F*, Hydatides.

Totus tumor cum utero in thesauris anatomicis
Academiae conservavi.




Fig. 2.

p. 74.

B

A

D

Fig. 1.

p. 73.

J. Mandib. sc.

A Scale of Inches.